



UNIVERSITÄTS-  
BIBLIOTHEK  
PADERBORN

**Judicium Ecclesiasticum Seu Decretalium Gregorij IX.  
Pont. Max. Liber II.**

**Schmalzgrueber, Franz**

**Ingolstadii, 1726**

§. II. De Exceptionis Oppositione.

---

[urn:nbn:de:hbz:466:1-74990](#)

Si Replicatio justa, aut efficax esse non videatur, ad eam elidendum à reo opponitur *Duplicatio*: quæ etiam ipsa per *Tripli-cationem* ab Actore, & hæc per *Quatruplica-tionem* à reo oppugnari potest. *S. rurſus 1. & duob. seqq. Inſt. de Replicat.* Sicque porro multiplicantur defensionum nomina, quamdiu vel Actor, vel Reus habet, quod objicit ad se salvandum. *Wefenbec. ff. b. t. n. 3.*

**10.** Ne verò sic objicendo in infinitum procedatur, sicque repetitis ulti, citrōque hujusmodi allegationibus, negotium potius implicitur, quam explicetur, hinc Iudicis partes erunt hac in re modum Allegationibus ponere *Auct. jubemus C. de Judic.* In *Ordin. Cam. p. 3. tit. 26. §. 2. & tit. 29. §. ult.* cautum est, ut in Exceptionibus Dilatorijs ultra Duplicam, & in Peremptorijs ultra Triplicam non procedatur. In praxi tamen etiam Quadruplica admitti solet, nisi

Iudex circumstantijs facti permotus, vel par-tes conventione inter se facta contrarium statuissent.

Præ cæteris autem, tanquam inutilis rejici, & repelli debet Replicatio, si talis sit, ut tametsi probata sit, non tamen excludat Exceptionem; nam sicuti ad omnem Exceptionem (intellige Peremptoriam) requiri-ritur, ut per eam excludatur Actor, sive intentio, aut jus agentis, ita ad omnem repli-cationem requiritur, ut per eam excludatur Exceptio. Ratio utriusque sumitur ex Principio generali, quod deducitur ex *l. ad probationem 21. C. de Probat.* videlicet neminem admittendum ad probandum, quod probatum non relevat. atqui Replicatio, nisi elidat Exceptionem, & Exceptio, nisi elidat actionem, non relevat replicantem, vel excipientem. igitur sicut Exceptio non exclusiva Actionis repellendi debet, ita & Re-plicatio non exclusiva Excepitonis.

## S. II.

### De Exceptionis Oppositione.

## S U M M A R I U M.

- 11. *Cui, & à quo opponi Exceptio possit?*
- 12. 13. *An audiri debeat etiam Excommuni-catus excipiens?*
- 14. 15. 16. *An etiam possit appellare?*
- 17. 18. 19. *An reus Excommunicatus Actor-rem Excommunicatum Exceptione Excom-municationis repellere?*
- 20. 21. 22. *Quando opponi debeant Exceptiones Dilatoriæ?*

- 23. 24. *Quando Peremptoria?*
- 25. 26. *An Iudex possit statuere terminum ad Dilatorias opponendas?*
- 27. *An etiam Exceptionibus Peremptorijs?*
- 28. *Quomodo Exceptiones opponi debeant?*
- 29. *Qua forma, & ordine?*
- 30. *An plures simul?*
- 31. *An etiam contraria?*
- 32. 33. *Quomodo probari debeant?*

**11.** QUÆRITUR i. cui, & à quo opponi Exceptio possit? *r.* Exceptio opponitur Actori, & ejus hæredibus *arg. l. quod ipsis 143. ff. de R. J.* Opponere eam pos-sunt omnes, qui agendi potestatem habent; nam *cui damus actionem, eidem multò magis Exceptionem competere quis dixerit*, ut rectè Ulpianus *l. invit. 156. §. cui damus l. ff. de R. J.*

An etiam Exceptio competit illi, qui agere nequit, dubitare quis possit, ex ratio-ne, quia, ut dicitur *l. in exceptionibus 19. princ. ff. de Probat.* reus excipiendo fit actor. Sed hoc non obest, ut cum *Wefenbec. C. b. tit. n. 5. & 6. Zœf. n. 4. Pirk. n. 4. & seqq. König n. 10. Sannig c. 1. n. 2.* docet com-munis DD. quia Exceptio ad defensionem pertinet, quæ omnibus licet. *Ad Rationem dubitandi* Exceptionem opponens, ut *n. 1. dic-tum est*, non fit verè Actor, cùm nihil perat sibi dari, aut fieri, sed tantum intendit Actionem elidere per Exceptionem oppositam: cùm verò hoc efficere nequeat, nisi probet Exceptionem, probandi onus autem regula-

riter Actori incumbat, hinc non immeritdicitur etiam ipse Actoris partibus fungi.

*Dub. 1.* an etiam Excommunicatus *excipiens in Iudicio audiri debeat?* *Ratio dubi-tandi est;* quia Excommunicatus non potest agere in Iudicio, ergo nec excipere; nam Reus excipiendo fit Actor. *2. Ratio,* propter quam Excommunicatus repellitur à Iu-dicio, est propter periculum participationis cum illo, sed hæc ratio æquè militat, sive Excommunicatus adsit in Iudicio, ut reus, sive ut actor. *3. si reo concederetur Exceptio, etiam concedi eidem deberet Re-conventionis;* nam etiam hæc est defensio.

Sed affirmativa sententia satis clare conflat ex *c. cùm inter 5. b. tit.* ubi ratio addi-tur, quia nimirum æquitas postulat, ne im-pugnante actore, reo copia defensionis negetur. habet autem hujusmodi Exceptio rationem necessaria defensionis, ergo &c.

Rationes dubitandi allatae facilemi habent solutionem. *Ad 1.* negatur paritas inter Actorem, & Reum; nam Actor vo-luntariè provocat ad Iudicium, cùm nemo a-gere

gere compellatur; Reus vero necessitate compellitur ad sifendum se iudicio, quia *Judicium etiam in invitum redditur*, ut Paulus *l. inter stipulantes 3. §. si Stichum 1. f. de V. O. loquitur*. igitur eti<sup>m</sup> Actor esse Excommunicatus nequeat, cum tamen reus est, permittenda ipsi est omnis defensio, qua alias reo competit; alias continget s<sup>e</sup>penumero, ut condemnaretur absolvendus. *Ad 2. ratio*, quare Actor Excommunicatus repellatur à iudicio, non tantum est, ne cum ipso communicetur, sed vel maximè, ut inde afficiatur rubore, & ab Excommunicatione respicit, hæc autem ratio non pugnat in reo; quia si repelleretur à iudicio, non ruborem pateretur, sed potius commodum ferret. Deinde periculum communionis nullum est, cum reus in iudicio auditur, & excipit; quia tunc à culpa, & cons. etiam à Censura excusat necessitas, & ratio communis boni, quo sequitur, si reus excommunicatus cogatur comparare in iudicio.

**14** *Ad 3.* Reconventio non est verè, ac propriè defensio, sed potius actio, & impugnatio; est enim nova, & secunda conventio: ideoque cui prohibita est conventio, etiam prohibita est Reconventio. Vivian. in c. 5. cit. Laym. ibid. n. 6. Gonzal. n. 6.

**14** *Dub. 2.* utrum Excommunicatus si contra Justitiam condemnetur, appellare etiam possit? & potest appellare, ut habetur *c. cum inter s. b. tit.* Ratio est, quia omnis defensio in iudicio Excommunicatis est reservata, est autem Appellatio quædam defensio, cum principaliter instituta sit ad removendum gravamen à iudice illatum, aut verisimiliter inferendum, ergo &c. *Conf.* quia nisi Excommunicatus per sententiam condemnatus facultatem haberet appellandi, posset per transitum sententiae in rem judicata ei grave præjudicium generari, cum forte sit innocens in causa, propter quam litigat.

*Extenditur responso 1.* ut non solum appellare possit, sed etiam appellationem prosequi, uti sumitur ex c. significaverunt 11. b. tit. Ratio est, quia parum, vel nihil prodesset appellatio, nisi illam posset appellans prosequi. Estque hoc verum non tantum casu, quo Excommunicatus appellans in prima instantia fuit reus, sed etiam, quando actor, quia, cum appellatio, ut dictum, sit quædam defensio, Excommunicatus appellans in secunda instantia quodammodo reus fit. igitur non obest, quod in prima instantia fuerit Actor.

**15** *Extenditur 2.* ut Excommunicatus appellans etiam Rescriptum impetrare possit, & beneficio illius iudices, qui de causa Appellationis cognoscant, ut deciditur c. dilecta 10. b. tit. Ratio est, quia si quidam alicui concessum sit, censentur etiam concessa ea, sine quibus illud inefficax foret, vel commodè expediri non posset c. prete-

rea s. de offic. deleg. parum autem, vel nihil prodesset Excommunicato facultas appellandi, vel appellationem prosequendi, nisi pro causa appellationis posset impetrare iudices. igitur hoc ipso, quod Excommunicato concessum sit appellare, & appellationem prosequi, etiam concessum censeret debet, quod super ea posset impetrare Rescriptum ad iudices Delegatos. Neque requiritur, ut in Rescripto fiat mentio de Excommunicatione? nam reticentia veritatis tum solum Rescriptum vitiat, quando tale aliquid reticetur, quod si scivisset Princeps, Rescriptum non dedisset, atqui Rescriptum tale adhuc fuisse datum, etiam si in eo fuisse expressa Excommunicatione.

*Extenditur 3.* ut hoc procedat, non solum, si appellans Excommunicatus sit ex alijs causis, sed etiam si Excommunicatus fuerit propter causam, à qua appellavit, prout cum alijs notat Pirh. hic n. 14. & sumitur ex c. ipso jure 1. de Rescript. in 6. ubi generaliter, & indistinctè permittitur Excommunicato impetrare Rescriptum in causa Excommunicationis, vel Appellationis. Neque obstat c. per tuas 40. §. verum in alijs de sent. Excomm. & c. cum contingat 36. §. verum de Offic. Deleg. ubi probatur Excommunicatum appellantem non esse prius audiendum super prosecutione Appellationis, quam ab Excommunicatione fuerit absolutus; nam id intelligendum est casu, quo aliquis ab ipsa Excommunicationis sententia appellat: tunc enim prius absolvit debet, neque antea ad litigandum de injustitia Appellationis admitti, ne videatur Censuram Ecclesiasticam contempnere.

*Dub. 3.* an si uterque litigans excommunicatus sit Excommunicatione majori, & reus Actori opponat Exceptionem Excommunicationis, eundem Actor replicatione Excommunicationis possit repellere? & nos posse. Ita Gaill. l. 1. obs. 71. n. 5. Wefenbec. C. b. tit. n. 6. Pax Jordan. l. 14. tit. 23. n. 15. Laym. in c. à nobis 2. b. t. n. 1. Gonzal. ibid. n. 6. Ratio est, quia in hoc casu non habet locum compensatio Excommunicationis unius cum Excommunicatione alterius ob defectum paritatis; nam favorabiliores sunt Rei, quam Actores, ideoque reo facilis conceditur defensio, seu Exceptio, quam Actori impugnatio, seu Actio. Multo minus Actor Excommunicatus, cui reus opposuit Excommunicationem majorem, repellere eundem potest per Exceptionem Excommunicationis minoris, ut deciditur c. à nobis cit. & docet ibidem Vivian. in ratione, cum alijs. Ratio est, quia per Excommunicationem majorem repellitur Excommunicatus à communione Fidei, & cons. etiam à communicatione forensi; at per Minorem solum arcetur à participatione, seu perceptione Sacramentorum.

Sed quid, si reus Excommunicationem mi-

minorem incurrisset per Communicationem cum Actore Excommunicato? *Videtur tunc repellere posse ab Actore Exceptionem Rei; nam qui communicavit cum Actore Excommunicato, approbabat saltem tacite, & ipso facto personam illius. sed quem semel quis approbabat, non potest deinde eundem reprehendere. ergo &c.* Sed adhuc dicendum, nisi communicaverit cum Actore Excommunicato in crimen, adhuc reum posse opponere Exceptionem Excommunicationis, neque ipsum ab Actore ob communicationem secum habitam ab Exceptione repellere posse. Vivian. in c. 2. cit. Gonzal. ibid. n. 3. Barbos. n. 1. nam adhuc urget ratio allegata. Neque obstat ratio dubitandi allegata in contrarium; nam Regula ibi posita locum habet tantum in ijs rebus, in quibus consentiendo videtur aliquis renuntiare Iuri suo: hoc autem in proposito non contingit; nam vel actor est Excommunicatus toleratus, vel non toleratus. Si non toleratus sit, tenetur eum vitare, neque potest renuntiare Iuri suo: si toleratus est, iure novo Concilij Constantiensis libera facultas conceditur Fidelibus communicandi cum illo, vel eundem vitandi, prout voluerint, quod cum in favorem Fidelium sit institutum, late interpretandum est, nec statim ex communicatione cum illo presumenda approbatio personae ejusdem pro omni casu.

Quod de Reo Excommunicato dictum est, dicendum est etiam, si alias infamis, vel criminofus sit; nam adhuc potest actori opponere Exceptionem infamia, vel criminis, non obstante suo crimen, vel infamia: & ratio est; quia universum plus requiritur, ut quis in iudicio possit agere, quam ut excipere ipsi liceat; excipere enim licet omni reo, non autem omni illi, qui reus esse in iudicio potest, etiam licet esse Actorem.

Quæritur 2. quando singulæ Exceptions proponi debeant? *n. 1. aliter discurrendum de Exceptionibus Dilatorij, & aliter de Preamptorijs. Hinc*

Dub. 1. quando opponi debeant Exceptions Dilatoria? *n. 2. pleræque regulariter opponendæ sunt ante contestationem litis: Ita Marant. de Ord. Jud. p. 6. memb. 9. n. 7. Hiltrop. process. Jud. p. 2. tit. 12. n. 26. Wesenb. ff. b. tit. n. 7. Vivian. in c. 4. eod. Barb. ibid. n. 3. Gonzal. n. 9. & in c. 12. ibid. n. 10. Laym. in cit. c. 12. n. 1. Vallens. hic n. 1. & 11. Zesf. n. 5. Pirh. n. 18. Engl. n. 2. König n. 14. Wiesf. n. 12. & sumitur ex c. inter Monasterium 20. de sent. & re judic. & fin. C. b. tit.* Ratio est, quia hujusmodi Exceptions pleræque impediunt litis ingressum, & respiciunt ea, quæ Judicium constituant, videlicet personas, locum, tempus, contra quæ in principio non excipiuntur, & ea consentire censetur, & excipiendi Juri renuntiare. Conf. quando reus in Judicio Ordinario item contestatur, Judicium su-

scipitur & acceptat; cum deinde excipit aduersus personas, locum, tempus, Judicium recusat, igitur qui post litis contestationem Exceptionem dilatoriam opponit, pugnantia loquitur, sed pugnantia loquens non est audiendus. ergo &c. Procedit hoc maximè de ijs Exceptionibus, quæ respi- ciunt personam Judicis, quia sc. Judex dicitur suspectus, vel incompetens &c. nam ha- ante omnem actum judicialel opponi debent, ne alias reus in judicem suspectum consentire, vel incompetentis Jurisdictionem prorogare videatur, ut notat Vall. hic n. 7. Engl. n. 2. König n. 15. cum alijs.

Dixi 1. Regulariter; nam quinque ca-<sup>21</sup>sus à DD. excipiuntur, in quibus Exceptions Dilatoriae opponi post litis contestationem possunt, & primi quidem tres authoritate c. pastoralis 4. b. tit. duo reliqui, sic suadente æquitate. Primo quidem, si reus prius protestatus sit, quod salvias sibi velit esse alias Exceptions: Haec tamen nominati, & in specie exprimendæ sunt, & qui- dem in scriptis, nec sufficit in genere dicere Salvis alijs Exceptionibus; quia alias non satis provisum esset abbreviandis litibus. 2. Si primum post item contestatam Exceptio de novo exorta fuerit vel ex facto Adversarij, ut exceptio Spolij, vel respectu Judicis, quæ est Exceptio recusationis, vel aliunde; quia quæ de novo emergunt, novo indigent au- xilio l. de estate 11. S. ex causa 8. ff. de Interrog. in Jur. fac. 3. si Exceptio quidem com- perebat ante contestationem litis, sed post eam primùm innotuit, quod competenter; hanc enim reus adhuc potest opponere, si juramento testetur, quod malitiosè non excipiat, videlicet litis protractione gratia, sed quod postea primum notitiam ejus accep- rit. Ratio est, quia impossibilium nulla est obligatio; erat autem impossibile Exceptio- nem opponere, antequam illa innotesceret. 4. Si ignorata quidem non fuit Exceptio ante contestationem litis, sed tum probari non poterat, cum tamen postea probandi facultas fuerit acquisita; quia pars sunt non compete- rere Exceptiōem, & eam probari non posse arg. c. ut circa 4. de elect. in 6. ibi. Su- pervenit probandi facultas. 5. Si Exceptio, antea omissa, statim, & in continenti post li- tem contestatam, aut lapsum terminum op- ponatur; quia quæ in continenti fiunt, in- esse censetur l. letta 4. & dicebam ff. de reb. credit.

Dixi 2. Pleræque; quia post litis con-<sup>22</sup>testationem opponi possunt. 1. Exceptions Dilatoriae, quæ Processum retro nullum reddunt: qualis est Exceptio falsi Procurato- ris, quod vel mandatum non habeat, vel si habeat, insufficiens sit l. licet 24. C. de Pro- cur. Exceptio falsi Tutoris arg. Rubr. & textas ff. quod falso tutor. Exceptio incom- petentis Judicis, si talis ille sit, in quem pars litigans consentire non posse, ut est

Sæculatis respectu Clerici, Vall. *bis n. 11.* Zœf. *n. 5.* Pirh. *n. 28.* Proceditque hoc, ut hujusmodi Exceptio opponi possit etiam post sententiam; nam cum sit Exceptio nullitatis, omni tempore opponi potest. 2. Exceptiones, quæ gravamen successivum habent, uti est Exceptio loci non tuti, vel suspecti, termini angusti, feriarum &c. nam haec quacunque opponi possunt. Hiltrop. *tit. 12. cit. n. 68. & 87.* Eckolt. *ff. b. tit. §. 12.* Gonz. *in c. 4. eod. n. 10.* König. *n. 20.* 3. Exceptio Excommunicationis majoris; nam haec in quacunque parte Judicij dilatorie opponi potest *c. exceptionem 12. b. tit. & c. pia 1. prime. eod. in 6.* ubi duplex astringitur ratio, sc. ne reus cum periculo animæ sua communicare cogatur cum Excommunicato, & ut magis Censura Ecclesiastica timetur. Proceditque hoc, et si malitiosè distulerit reus Exceptionem Excommunicationis facere, ubi tamen, ut recte Vivian. *in c. 12. cit. notat.* condemnari in expensas debet; quia per malitiosam dilationem Exceptionis actionem laboribus, & sumptibus indebet fatigavit. 4. opponi lite contestata imo in ipsa executione potest Exceptio competentia, et si secundum veriorem Doctrinam Dilatoriarum numero accenseatur *l. ex diverso 17. §. fin. ff. solut. matr.* Hiltrop. *l. cit. n. 88.* 5. post contestationem litis excipi potest de ineptitudine Libelli. Marant. *memb. 9. cit. n. 5.* Hiltrop. *n. 66.* Ratio est, quia Libellus est fundamentum Judicij; sed ubi non est fundamentum positum, omnia ruunt, quæ superstruxeris. 6. sunt & aliae Exceptiones Dilatoria, ipsam causam respicientes, quæ poterunt post item contestatam objici, & probari, cum non videatur reus in ullo sibi præjudicare ante item non proponendo, cum ea, quæ causam concernunt, non nisi constituto Judicio, sint proponenda, & tractanda.

*23* Dub. 2. quando opponi debeant Exceptiones Peremptoria? R. regulariter post contestationem litis opponuntur, nonnullæ tamen opponi possunt etiam, antequam lis contestata sit, & aliquæ etiam post sententiam.

Dixi 1. Regulariter post contestationem litis opponendas Exceptiones Peremptorias. Ita communiter DD. & constat ex *l. siquidem 9. C. b. tit. & l. peremptorias 2. C. sent. rescind. non poss.* Et tales sunt præcipue, quæ jus, & actionem ortam, & actori competentem elidi, & perimi posse ostendunt. Ratio est, quia hujusmodi Exceptiones propriè sunt exclusio actionis, excludi autem, & perimi actio non potest, antequam proposita sit in Judicio, quod constituitur per litis contestationem.

Dixi 2. Nonnullas opponi posse, antequam lis contestata sit. Tales sunt, 1. Exceptiones impropter dictæ, videlicet solutionis factæ, præscriptionis &c. König. *n. 23.* Wiesl. *n. 27.* quia frustra item contestare-

tur reus, si actor actionem de Jure nullam habet. 2. Exceptiones, quarum veritas notoria est, ita, ut Actorem calumniari evidenter constet: imo per has, si opponantur, impeditur contestatio litis, ut notat Perez *C. b. tit. n. 11.* Ratio est, ne reus laboribus, & expensis frustra fatigetur. 3. Exceptiones Peremptoriae, quæ ex speciali privilegio litis ingressum impeditur, ut sunt Exceptio rei judicatae, transactionis, Juris-jurandi, quæ *Litis finitæ* dicuntur *c. exceptionis 1. de lit. contest. in 6.* Hiltrop. *n. 94.* Vall. *n. 13.* Zœf. *n. 6.* Ratio est, quia sicut aliquo horum modorum finita amplius inchoari non debet.

Dixi 3. aliquas opponi posse etiam post sententiam. Tales sunt 1. Exceptio nullitatis sententiae ex quacunque causal. Marant. *de Ord. Jud. p. 4. dif. 16. n. 7.* Vivian. *in c. 6. b. t. Pax Jordan. l. 14. tit. 23. n. 27.* Ratio est, quia de nullitate sententiae semper cognoscere Judex potest, & de novo sententiam ferre, cum ferendo nullam, nondum functus officio suo sit. 2. Exceptiones, quæ sententiam rescindunt, ut Exceptio restitutio in integrum *l. minor 36. ff. de minor.* 3. Exceptiones, quæ sententiam quidem non impugnant, ut priores, executionem tamen impeditur, vel moderantur, ut sunt Exceptio SC. Macedoniani, Vellejani, non numerata pecunia, & id genus alia. Hiltrop. *l. cit. n. 96.* Pax Jordan. *n. 27.* Vall. *n. 13.* Zœf. *n. 6.* Ratio est, quia hoc ipso, quod similes exceptiones tantum respiciant executionem, licet ante sententiam non opponantur, non tamen idcirco præsumi potest, quod illis renuntiatum sit.

Addidi autem, *Aliquas ita opponi posse sententiam posse;* Regulariter enim opponi Exceptiones Peremptoriae possunt, & debent à tempore contestatae litis usque ad sententiam: post illam non recte opponuntur, sed ad Appellationis beneficium est convolandum, vel si condemnatus sit minor, postulanda restitutio in integrum ad proponendam Exceptionem, ut habetur *l. peremptorias cit. C. sent. rescind. non poss.* Quod multo magis verum est, cum sententia jam transiit in rem judicatum; tunc enim ne appellatio quidem conceditur.

Dub. 3. an, & qualiter Judex certum tempus statuere possit, intra quod Exceptiones Dilatoria proponi debeant? Ratio dubitandi est, quia *indultum à Jure beneficium non est alicui auferendum* juxta reg. 17. in 6. sed ad opponendas in Judicio Exceptiones Dilatoria concessum à Jure est tempus à litis exordio usque ad contestationem ejusdem *l. fin. C. b. t. l. exceptionem 19. C. de probat. l. ita 13. C. de procurat.* ergo Judex non potest auferre privilegium hoc, tempus istud coramstanto.

Sed hoc non obstante, dicendum adhuc, quod Judex possit, & aliquando etiam debet

debeat his Exceptionibus opponendis statuere aliquem terminum, & ita quidem, ut si post lapsus hujusmodi termini opponere Exceptionem aliquam reus voluerit, regulariter non amplius audiatur. Ita Vivian. in c. Pastoralis 4. b. t. Laym. ibid. n. 1. Gonzal. n. 1. Barbos. n. 1. Pax Jordan. tit. 23. cit. n. 5. Haun. tr. 3. n. 323. Pirk. n. 26. Wiest. n. 12. & statuitur c. Pastoralis cit. Ratio decisionis est, quia lites sunt amputandae, & intra competentem terminum expedienda, finem s. de dol. & contum. l. properandum 13. princ. C. de Judic. Proceditque hoc, et si lis nondum in contestata; nam terminus ab homine constitutus succedit in locum termini statuti à Jure arg. c. personas 4. & c. seqq. de appell. igitur si Judge statuat pro allegandis Exceptionibus terminum, ipse hic terminus habebit vim contestatae litis. Potest autem Judge terminum ad opponendas Exceptiones Dilatorias reo praefigere non tantum ad petitionem Actoris, in cuius favorem principaliter assignatur talis terminus, sed etiam ex officio suo; quia boni Judge est lites dirimere, & malitijs hominum obviare.

**26** Addidi tamen, regulariter post lapsum termini statuti à Judge volentem excipere non audiendum; nam plures sunt causas, quibus, non obstante termino peremptorio à Judge assignato, Exceptio Dilatoria opponi potest omni tempore, & in quavis litis parte. Et talis est 1. Exceptio Procuratoria c. in nostra 4. de Procurat. & l. licet 24. C. eod. 2. Exceptio recusationis Judge, si de novo emergat, vel innoscet, aut talis sit Judge, in quem reus consentire non potest c. inservante 25. de Offic. Jud. deleg. 3. Exceptio Excommunicationis Clem. un. b. t. Proceditque hoc, etiam si Judge nominatim, & specificè terminum dederit ad propoundendam Exceptionem Excommunicationis; quia non potuit hoc beneficium Juris auferri reo à Judge: item procedit, et si reus jurasset se non oppositum Exceptionem Excommunicationis contra Actorum; quia non potuit renuntiare huic suo juri. Huc etiam pertinent omnes iij casus, quibus n. 21. & 22. dixi, opponi Exceptiones Dilatorias post contestationem litis à reo posse; nam ijsdem casibus etiam opponi possunt post terminum statutum à Judge.

*Ad rationem dubitandi* allatum dico, Judge statuendo terminum opponendis Exceptionibus non restringere tempus à Jure præscriptum (nullum enim certum à Jure præscriptum est) sed tantum explicare facultatem reo concessam ad opponendas Exceptiones Dilatorias durare ad tempus à se statutum, & eo lapsu litem contestatam esse, ut proin postea secundum Juris Principia Exceptiones Dilatoria opponi nequeant.

**27** Dub. 4. an etiam Peremptoriis Exceptionibus Judge certum terminum affig-

nare possit, ita, ut eo lapsu, tales Exceptiones non amplius audiatur? Negat Gloss. in c. 4. b. tit. V. dilatoria; nam Exceptiones Peremptoriae opponi possunt etiam post contestatam litem, donec in causa conclusum sit, adeoque quandocumque ante sententiam, ut dictum est n. 23. atqui, ut habet reg. 17. cit. indultum à Jure beneficium non est auferendum. Accedit, quia hic de gravi præjudicio agitur, si ab Exceptionibus peremptoriis, seu ad causæ meritum pertinentibus, quispiam excludatur. Hæ rationes ostendunt, quod Judge non tam facile, & non nisi præmissa causæ cognitione, peremptoriis Exceptionibus terminum possit statuere, non autem probant potestatem hanc eidem omnino denegari.

Hinc rectius cum Dyno in Reg. cit. n. 13. Laym. in c. 4. b. tit. n. 2. Pirk. dic n. 31. distinguitur: vel enim Judge terminum Exceptionibus Peremptoriis prefixit cum causæ cognitione, vel sine illa. Si pri-

mus, non potest reus post tempus à Judge præfixum Exceptiones Peremptorias propone arg. l. qui pro tribunal. 2. ff. de re judic. Si secundum, etiam post illud tempus elapsum proponere Exceptiones Peremptorias potest; quia cum agatur de præjudicio gravi, si quis excludatur à Peremptoriis Exceptionibus proponendis, ut recte additum est in ratione dubitandi, hinc fit, ut reus hoc suo Jure sine iusta causa à Judge privari nequeat.

Multo magis Exceptiones hæ Peremptoriae proponi possunt, non obstante termino à Jure præfixo, si postea primum ortæ, vel cognitæ sint, aut si facultas illas opponendi, vel probandi primùm data sit post lapsum terminum: idque propter gravius periculum, & præjudicium, si parti dene-

gentur. Abb. in c. 4. in tit. n. 2. & 9. Quæritur 3. quomodo Exceptiones 28 opponi debeant, ut vim habeant perimendi, vel differendi Actionem, aut intentionem Actoris? Imprimis certum est, quod omnis Exceptio, sive Dilatoria, sive peremptoria illa sit, etiam, quæ ex actis notoria est, allegari, opponique debeat; si enim à parte non opponitur, Judge Exceptionem ex actis notoriis attendere, & sic supplere non potest, sed non obstante exceptione non opposita, reum condemnabit. Ita Bartol. in l. 1. ff. b. t. n. 10. & in l. si unus s. pactus, ne petret ff. de pat. n. 1. Hiltrop. p. 2. tit. 12. n. 2. Ratio est, quia tacens in Judicio confitire videtur, & qui in eodem non opponit jus sibi competens, illud censetur remittere.

*Excipitur 1.* Exceptio Excommunicationis; nam si hanc reus non opponat contra Actorum Excommunicatum non toleratum, ipse Judge eundem repellet ex officio, ut recte notat Vivian. in c. 12. b. tit. quia Judge curare debet, ut peccata evitentur c. novit 13. de Judic. & disquirere debet, an Actor sit habilis, vel inhabilis, ne Judicium suum frustra-

frustratorum fiat *can. querendum 18. caus. 2.*  
q. 7. & l. quos prohibet 7. ff. de postuland.

Excipiuntur 2. omnes illæ Exceptiones, quæ ipso Jure elidunt Actionem, quando reus ipso Jure tutus est, ut sunt Exceptiones solutionis, novationis, delegationis, prescriptionis; has enim, & similes, si ex actis notoriae sint, etiam si à parte non opponantur, Judge in judicando attendere debet, ut notat Hiltrop. l. cit.

29 Dub. 1. quæ forma, & ordine proponi Exceptiones debeant? 1. hodie proponi possunt quibuscumque verbis, scripto, vel absque scripto viva voce, modò ad acta redigantur. Hiltrop. tit. 12. cit. n. 26. Exceptitur, nisi Exceptio proponatur per modum Actionis, ut in Exceptione non numerata pecunia, quo casu rectius propinquit in scriptis. Forma eas opponendi consistit in hoc, ut expressè, & determinatè oppositio illarum fiat, atque ita, ut jus, & causa excipiendi inde constare possit arg. l. itaque 48. ff. de procurat. Hiltrop. l. cit. n. 27.

Inter Exceptiones Dilatoria, quando plures competunt, Pax Jordan. tit. 23. n. 21. hunc dicit servandum ordinem. 1. proponenda est Exceptio, quæ impugnat Jurisdictionem, ut puta: *Tu non es meus Jūdex; quia ego sum Clericus.* 2. illa, quæ respicit personam Judicis, ut quia suspectus, infamis, servus est, licet quoad suspicionem tuius sit illam ante omnia proponi. 3. excipendum contra Rescriptum; quia per obreptionem, subreptionem &c. extortum. 4. contra personam actoris, vel Procuratoris. 5. quæ ratione ipsius rei, causæ, loci, vel libelli competunt, & sic de reliquis.

30 Dub. 2. an plures simul exceptiones à reo opponi possint? Videtur non posse; nam reus exceptione fit actor l. in exceptionibus 19. princ. ff. de probat. & l. agere 1. ff. b. t. atqui actor non paret simul plures actiones proponere, sed unam de pluribus debet eligere l. nemo 43. §. quoties 1. ff. de R. J. ergo nec reuspote simul opponere plures Exceptiones.

Sed respondendum est affirmativè: verumque hoc est, non tantum, ut una opponi possit post alteram, sed etiam, ut allegari possint plures simul. Hiltrop. p. 2. tit. 12. n. 14. Perez C. b. tit. n. 28. Wesenbec. ff. eod. n. 10. Haun. tom. 5. tr. 3. n. 322. Zesel. n. 8. Pirk. n. 48. König n. 25. Wiesf. n. 28. & sumitur ex c. nullus 20. de R. J. in 6. l. is qui 5. & l. nemo 8. ff. b. tit. Ratio est, quia Exceptiones aliud non sunt, nisi defensiones; pluribus autem defensionibus ut quis non prohibetur, ut habent Jura citt. Potest igitur post Exceptionem Jurisjurandi recurrer ad Exceptionem rei judicatae, post allegationem Privilegij subsidium peti ab Exceptione Præscriptionis, & qui

excipiendo de homicidio à se negato succubuit, dein opponere, quod ad defensionem sui cum moderamine inculpatæ tutelæ hoc fecerit. Vel si malit, potest omnes has, & quascunque sibi competere Exceptiones prætaverit, simul, & unâ scripturâ conjunctas opponere. Et ita teste Hiltrop. n. 24. faciendum est juxta Ordin. Camer. p. 2. tit. 4. §. hætte dann / & tit. 5. §. solche / ubi statuitur, ut omnes Dilatoria simul uno scripto allegentur, adeo, ut siqua omessa fuerit, & litigans eam vellet opponere, non audiatur: & hoc ideo, ne per ejusmodi controverias, & disputationes, quæ merita causa non concernunt, lites nimium protractantur. Porro plurimum aut simul, aut successivè propositarum Exceptionum hæc est utilitas, ut si in unius Exceptionis probatio ne reus defecerit, transire possit ad probacionem alterius Exceptionis.

Ad rationem dubitandi nego paritatem inter Actorem, & Reum; nam ut ex suprà citt. Juribus constat, plus permittitur Reo, quam Actori, eisque plus permittendi ratio fuit, quia Actor sponte, & paratus ad judicium venit, & hinc, quæ potissimum actione uti velit, deliberare potuit, atque statuere; Reus vero in Judicium invitus trahitur, & imparatus, ut proinde misera, & in casum prona foret ejus conditio, si non nisi una defensione uti posset.

Dub. 3. an contrarijs etiam Exceptionibus simul, & semel uti liceat? Ratio dubitandi esse potest; quia qui contraria, seu quæ simul vera esse non possunt, in Judicio proponit, audiendus non est, sed tanquam fallax, & mendax repelli debet, & condemnari arg. l. si quadrupes 1. §. interdum 15. ff. si quadrup. pauper. ergo neque is, qui Exceptiones contrarias, seu quæ simul consistere nequeunt, in Judicio proponit, audiendi debet.

Tenenda tamen est affirmativa sententia, modò hujusmodi Exceptiones contrariae alternativè proponantur. Exemplum sit: Titius petit à Cajo solutionem mutui, quod ait se dedisse Cajo, Causus verò excipit dicendo se mutuum non accepisse, vel si numerata est pecunia, à se illam jam solutam. Item Parochianus à suo Parochio interpellatur de solvendis Decimis; ille autem excipit opponendo se habere privilegium, vel si ostendatur, quod privilegium nullum habeat, præscripsisse se libertatem à debito solvendi Decimas: in utroque casu contrariae allegantur Exceptiones, in primo quidem Exceptio non numerata pecunia cum Exceptione solutionis praestita, in secundo autem Exceptio privilegium cum Exceptione præscriptionis: quod rectè fit, ut probat rationis identitas, & docent DD. n. prec. citt.

Negre

**N**eque obstat allata Ratio dubitandi; nam dum reus conventus oppositas Exceptiones afferat, non afferit idcirco utramque veram esse; nam, qui excipit, non propterea fatur, ut ait Glos. in c. i. V. affectu de testib. in s. sed tantum affirmat se defensurum se utrolibet, ut si succumbat uno, obtinere possit in altero.

**D**ub. 4. an, quomodo, & quando probari debeant Exceptiones à reo oppositæ? **R**4. quod probari à reo Exceptiones debeant, clarum est ex l. in exceptionibus 19. princ. ff. de probat. & l. agere i. junct. l. seq. ff. h. t. Debet autem Exceptio probari plenè, & perfetè in sua specie, & forma; alias effectum suum non consequetur, neque elidet, vel differet actionem, seu intentionem Actoris.

Dilatoria Exceptiones probari debent regulariter loquendo ante contestationem litis, sicut etiam ante illam opponi debent. Hinc ad Judicis officium pertinet, ut probations super his recipiat, & tum demum ad examen principalis negotij accedat, quando per sententiam interlocutoriam super dictis Exceptionibus pronuntiavit c. exhibita 19. & ibi DD. de Judic. Quod ita verum est, ut si Judex contra fecerit, recte appelletur, & in irritum revocetur, quidquid post appellationem in causa attenitatum fuerit; ordo enim Juris exigit, ut de harum Exceptionum veritate constet, & pronuntietur, antequam Judex ad ulteriora procedat.

### §. III.

#### Quaedam alia quæsita de Exceptionibus.

#### S U M M A R I U M .

- 34. *Quis sit Finis, & Effectus Exceptionis?*
- 35. 36. 37. *An excipiens intentionem Adversarii censeatur fateri?*
- 38. 39. *An Exceptiones competentes reo profint etiam heredibus, & fidejussoribus ejus?*
- 40. 41. 42. 43. *Utrum admitti debeat, qui cùm ipse habeat plura Beneficia, excipit contra alium de pluralitate Beneficiorum?*

**Q**uæritur 1. quis sit Finis & Effectus Exceptionis? **R**1. Finem indicat Imperator princ. Inst. h. tit. ubi, *Comparate, inquit, sunt Exceptiones defendendorum eorum gratiâ, cum quibus agitur; sepe enim accedit, ut licet ipsa persecutio quâ actor experitur, justa sit, (in suo genere) tamen iniqua sit adversus eum, cum quo agitur propter circumstantias facti, quod in actionem specialiter deducitur.*

*Effectus Exceptionis 1. est, quod reus excipiendo fiat Actor: quod tamen, ut n. 1. dixi, solum est intelligendum quoad onus probandi Exceptionem, non vero quoad alia.*

2. si probata Exceptio fuerit, excludit id, quod in intentionem, condemnationemve

- 44. 45. 46. *An Exceptiones Dilatoria in prima Instantia omisse, opponi valeant in secunda?*
- 47. 48. 49. *Quid requiratur, ut opponi possit Exceptio rei judicata?*
- 50. 51. *Quomodo sit Exceptio Excommunicationis facienda à reo?*
- 52. 53. *An testis, si Exceptio criminis contra illum probata sit, puniri de illo possit?*

deductum est l. exceptio 2. princ. ff. h. tit. 3. si Dilatoria sit, absolvitur reus ab observatione Judicij; si Peremptoria, definitivè ab instituta actione. 4. quod peculiare est Exceptio Peremptoria, ex hujusmodi sententia, in favorem rei lata, oritur Exceptio rei judicata, quæ semper removet Actorum, etiam imposterum agere volentem.

Quodsi reus in Probatione Exceptionis defecerit, non id circa Actor obtinebit, sed probare intentionem suam debet, ut obtineat. Ratio est, quia non ex Rei Exceptionibus, sed ex Actoris probationibus ferri debet sententia in causa principali.

Ddd

Dices,